



02 MAR, 2025

Aniq, Hoe Yean penerima pertama biasiswa MOM

Mingguan Malaysia, Malaysia



Page 1 of 2



ATLET angkat berat negara, Mohamad Aniq Kasdan (dua dari kanan) dan perenang negara, Khiew Hoe Yean (dua dari kiri) menjadi penerima pertama Dana Pendidikan Atlet Majlis Olimpik Malaysia (MOM). - IH SAN MOM

Aniq, Hoe Yean penerima pertama biasiswa MOM

PETALING JAYA: Atlet angkat berat negara, Mohamad Aniq Kasdan dan perenang negara, Khiew Hoe Yean menerima pengiktirafan daripada Majlis Olimpik Malaysia (MOM) apabila menjadi penerima pertama Dana Pendidikan Atlet badan induk itu.

Aniq dan Hoe Yean menerima biasiswa sebanyak RM10,000 setahun sehingga mereka menamatkan pengajian di universiti masing-masing.

Aniq Kasdan yang sedang melanjutkan pengajian di UiTM Shah Alam dalam bidang Ijazah Sarjana Muda Pengurusan Sukan berkata, dia amat berbesar

hati dipilih untuk menerima biasiswa tersebut.

“Terima kasih kepada MOM atas biasiswa ini. Ia akan membantu saya memberi fokus kepada sukan tanpa perlu risau tentang pengajian saya,” katanya.

Atlet kelahiran Johor itu hampir mencipta sejarah di Sukan Olimpik Paris 2024, apabila dibezakan 1 kilogram (kg) untuk meraih pingat gangsa dalam acara angkat berat.

Sementara itu, Hoe Yean yang kini melanjutkan pengajian dalam Ijazah Sarjana Muda Sains Komputer di Universiti UCSI berkata, dana itu memberi

kelegaan besar buat dirinya.

“Saya masih di peringkat awal pengajian, tetapi biasiswa MOM ini sangat membantu dalam mengimbangi tanggungjawab akademik dan latihan saya. Dengan ini, saya dapat fokus kepada persiapan ke Olimpik Paris tanpa perlu terlalu memikirkan soal kewangan,” katanya.

Sebagai rekod, Hoe Yean berjaya beraksi di Paris 2024 melalui wild card yang diberikan oleh Akuatik Dunia selepas berjaya mengumpul tiga markah tertinggi dalam kalangan perenang lelaki Malaysia sepanjang tahun lalu.



02 MAR, 2025

Aniq, Hoe Yean penerima pertama biasiswa MOM

Mingguan Malaysia, Malaysia



SUMMARIES

PETALING JAYA: Atlet angkat berat negara, Mohamad Aniq Kasdan dan perenang negara, Khiew Hoe Yean menerima pengiktirafan daripada Majlis Olimpik Malaysia (MOM) apabila menjadi penerima pertama Dana Pendidikan Atlet badan induk itu. Aniq dan Hoe Yean menerima biasiswa sebanyak RM10,000 setahun sehingga mereka menamatkan pengajian di universiti masing-masing. Aniq Kasdan yang sedang melanjutkan pengajian di UiTM Shah Alam dalam bidang Ijazah Sarjana Muda Pengurusan Sukan berkata, dia amat berbesar

hati dipilih untuk menerima biasiswa tersebut.